



6238
Reykjavík 29.11.83

FRETTABREF

Agætu félagar

Jæja, þá er komið að stóru stundinni í baráttu okkar. Laugardaginn 3. des. n.k. kl. 13.00 verður STOFNFUNDUR SAMTAKA KVENNA Á VINNUMARKAÐINUM í Félagsstofnun stúdenta. Við bindum talsverðar vonir við þessi samtök, en eins og alltaf áður er samstaða okkar kvenna forsenda þess að einhver árangur náist. Við skorum því á allar konur að mæta á fundinn og sýna þar með vilja sinn í verki til að bæta stöðu okkar.

Enginn félagsfundur verður haldinn í desember, þar sem ekki liggja nein sérstök mál fyrir og margt annað er á döfinni. I stað félagsfundar verður jólfundur laugardagskvöldið 3. des. eftir stofnfundinn, hér á Hótel Vík. Húsið verður opnað um 20.30. Hafi félagar eitthvað við niðurfellingu félagsfundarins að athuga, þá vinsamlega komið því á framfæri hingað niður á Vík.

Laugardaginn 10. des. er fyrirhugað að halda kökubasar hér. A næstunni verður hringt í einhverjar ykkar og falast eftir kökum og viljum við biðja ykkur að taka því vel og skella í svona 1, 2.....? kökur! Sama dag verður Kvennalistinn með kaffisölu hér uppi á lofti.

Laugardaginn 17. des. verður svo 3. laugardagskaffið kl. 11.00. Ætlunin er að hafa þá kynningu á nýútkomnum bókum eftir konur.

Og að lokum: STOFNFUNDUR SAMTAKA KVENNA Á VINNUMARKADINUM I FELAGSSTOFNUN STÚDENTA 3. DES. KL. 13.00. MÆTUM ALLAR!

Bestu kveðjur

Framkvæmdanefndin